
ТУРКИЯЛИК ҲАМКОРЛАР БИЛАН ВИЛОЯТ ИҚТИСОДИЁТИНИ РИВОЖЛАНТИРИШДА ИННОВАЦИОН ЛОЙИХАЛАРНИ АМАЛГА ОШИРИШ МАСАЛАСИ МУҲОКАМА ҚИЛИНДИ

Вилоят ҳокими Хайрулло Бозоров Туркияning “Be İletişim & Danışmanlık” компанияси раҳбари Берна Кюrekchi Шендер ҳамда кўп тармоқли SEV Group компаниялар гуруҳи вакили Жем Сезерни, шунингдек, тадбиркор Билал Ширинни қабул қилди.

Учрашувда Фарғона вилоятида ишлаб чиқарилаётган маҳсулотларни, вилоят туризм салоҳиятини хорижда танитиш, вилоядта хорижлик ишбилармонлар ҳамда туристлар учун муайян йўналишларда жозибадор инфратузилма шакллантириш масалалари муҳокама қилинди.

Турли йилларда Туркияning CNN Türk, TRT телеканалларида, Doğan Медиа гуруҳида, Озарбайжоннинг нефть соҳасидаги “SOCAR” давлат компаниясида жамоатчилик билан алоқалар ҳамда маркетинг йўналишларида раҳбарлик қилган Берна Кюrekchi Шендер ҳамда тиббий туризм, ташқи реклама ҳамда инновацион қишлоқ хўжалиги соҳаларида йирик тажрибага эга Жем Сезер, Фарғона вилояти худудидаги икки кунлик ўрганишларидан келиб чиқиб, вилоядта амалга ошириш истиқболли ҳисобланган лойиҳалар юзасидан ўз фикрларини билдирилар.

Кино саноатини миллий анъана ва қадриятлар давомийлиги сақланган, ўзига хос ноёб табиатга ҳамда улкан тарихга эга вилоятимиз иқтисодиётининг алоҳида тармоғи сифатида ривожлантириш, Фарғонада таниқли хорижий киностудиялар учун замонавий ва юқори технологик моддий-техник базага эга инфратузilmани яратиш муваффақиятли йўналиш бўлиши таъкидланди.

Шунингдек, юқори иқтисодий салоҳиятга эга ҳамда хорижий инвестициялар оқими кенгайиб бораётган Фарғона вилоятида рақамли ташқи реклама бозорини ривожлантириш борасида ҳам катта имконият борлиги қайд этилди.

Ҳамкорликда қишлоқ хўжалиги учун гидропоника соҳасида технологиялар ишлаб чиқаришда қўшма лойиҳаларни амалга оширишда вилоядта мева-сабзавотчилик тажрибаси ҳам катта ўрин тутиши мумкинлигига эътибор қаратилди.

Истанбул шаҳрида Фарғонада етиштирилган маҳсулотлар ҳамда вилоят туризм ва инвестицион салоҳиятини намойиш этувчи марказ ташкил этиш имкониятлари ҳам кўриб чиқилди.

Учрашув кун тартибидаги масалаларнинг ҳар бири юзасидан аниқ концепциялар ишлаб чиқиш ҳамда муҳокамаларни давом эттиришга келишиб олинди.

Фарғона-Истанбул ишбилармонлар кенгашини тузиш ишларини жадаллаштириш, Билал Ширин томонидан Кенгаш учун беғараз асосда Фарғона шаҳрида барпо этилаётган Экошаҳар худудида 4 қаватли бино қурилиши жараёнларини тезлаштириш масаласи юзасидан ҳам фикр алмашилди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-12-24 13:23:22